



terat gratia, licet minus legitimas, allegato *Claro*, & *Vulpello Criminal. Consil.* 19. 12., & 13., & repetit *Farinac. de Carceribus*, & *Carceribus*, & *Carceratis* q. 29. num. 95., & *Consil.* 131. num. 6., quibus in locis ostendit, Salvum conductum esse omnino servandum, etiam si non debuisset concedi, vel concessus fuisset à Judice non habente hanc facultatem, *Salgad. de Protectione Regia* p. 2. cap. 4. num. 49., & *seqq.*

50 Secunda, quia Salvus conductus concessus fuit de consensu Præsidentum Creditorum, in quorum liberam facultatem Eminentissimus Princeps totum commiserat, unde isti consenserunt nomine cæterorum, tamquam Præsides habentes ab aliis facultatem, quod autem semel placuit, amplius non potest displicere *reg. Jur. in 6.*, neque potest mutari voluntas in præjudicium tertii, neque erat necessarium, quod omnes Creditores convenirent, idè *Paris consil.* 100. sub nu. 3. lib. 3., dicit ad concedendam dilationem non esse necesse, ut omnes Creditores conveniant.

51 Tertia, quia cum Salvus conductus fuerit concessus juxta petita, & preces erant pro omnibus sibi præjudicialibus, debet latè interpretari, ut nullum præjudicium excludamus ad allegata *per Bartol. in l. 1. Vers. quandoque ff. ad l. Juliam majest.*, *Farinac. dicta quest.* 29. num. 39., quia est beneficium Principis, & nu. 41., latè interpretandum, quantum preces patiantur.

52 Quarta, quia non poterat obstare non fuisse narratum contractum habere Juramentum adnexum de observandis Promissis, neque narratum fuerit additum aliud Juramentum, de non utendo Salvo conducto, tum quia hæc omnia Innotescabant Præsidentibus Creditorum, qui tamquam ab Eminentissimo Legato delegati habebant omnimodam facultatem necessariam, tum quia de Juramento hebræorum nihil curandum stante *tex. D. Pauli p. ad Corintb. cap. 5.*, *De his qui foris sunt nihil ad Nos*, ex quibus sequitur, quod hoc Juramentum prout afficit animam, & attento Jure Canonico non est habendum in consideratione, ut firmat *Marquard. de Judeis* p. 2. c. 8. num. 6., sed ad summum considerandum, ut actus civilis civiliter obligans, cui obligationi Civili poterant Creditores renuntiare, ut pote inductæ in sui favorem *l. si*

*quis in conscribendo C. de Pactis.*

53 Tum quia dicebat ex Advocatis Unus, quod hoc Juramentum non poterat habere virtutem, eo quia non erat ab hebræo præstitum per verum Deum, nam cum Deus sit Trinus, & Unus, itaut Personarum Trinitas non minus ad Veritatem Dei pertineat, quam Unitas, & hebræi Trinitatem Personarum non credant, sed solum Unitatem, sequitur, quod Juramentum Moysis fuerit præstitum per Deum Unum, non autem Trinum, & consequenter per Deum non verum, idè non curandum.

54 Quod autem Creditores possent consentiendo tacitè, vel expressè Juramentum remittere concedendo Salvum conductum, non est dubitandum, quia erat præstitum in sui favorem, ut de sponsalibus Juratis posse remitti ab eo, vel ea in cujus favorem juratum est, *textus patens in cap. 2. de sponsal.*, ubi *Abbas* num. 6., *Barbosa* num. 6., *Layman* lib. 4. tract. 3. cap. 9. num. 5., *Navara Summa* cap. 22. num. 24., *Sanchez. de Matr. lib. 1. Disp. 52. num. 6.*, & *ad Decalog. lib. 3. cap. 20. num. 4.*, *Bonac. tom. 2. disput. 4. quest. 1. puncto 17. num. 2.*, *Trulench. ad decal. lib. 2. cap. 1. dub. 21. num. 6.*

55 Quinta, quia Juramentum præstitum à Moysè, tum de servando contractu, tum de non utendo Salvo conducto erat nimis indifferetum, irrationabile, inconsideratè emissum, & de re sibi impossibili, nam stante, quod Moyses erat decoctus, & non poterat, se nullo modo posse capitale restituere, irrationabiliter se obligavit, & ad impossibile, & nimis prodigè, ad traddita *per Sotum de Just.*, & *Jure* lib. 8. q. 2. art. 9. col. 4. ad medium.

56 Sexta, quia contractus Bartolomei ab Angelo, non comprehendebatur sub iis Juramentis, seu ea Juramenta non se extendebant ad contractum Bartolomei, quia Juramenta fuerunt præstita in contractu, quando per Creditores fuit concessa moratoria octo annorum, at Bartolomæus, ut rem meliorem sibi faceret postea alterum contractum inivit cum Moysè addendo titulum societatis, & cum lucro sex procentario, & anno, & cum dilatione ad decem annos, unde per istam novationem totaliter recessum est à primo contractu, & consequenter ea Juramenta non se extendebant ad hunc secundum contractum.

His

His tamen non obstantibus, quæ revera censui non obstare, steti in Decretis de Nullitate Salvi conductus, & validitate Capturæ.

57 Nam, quod primo loco dicitur fidem publicam esse servandam, etiam si Salvus conductus esset, nullus id verum est si defectus proveniret ex facto alieno, ut ex defectu Jurisdictionis in Judice concedente *ad tex. in l. Barbarius ff. de officio Prætoris*, secus si defectus proveniat ex parte impetrantis, quia non narravit narranda, nempe non narravit Moyses Juramentum adiectum de contractu servando, & non utendo Salvo conducto, unde cum nullitatis causa à se proveniat non potest de Principe, aut de Præsidentibus Creditorum conqueri, sed sibi debet imputare, & in hoc sensu, ac distinctione loquuntur Doctores pro Moysè allegati dicentes, Salvum conductum etiã nullum servandum esse nullitate proveniente ex facto alieno, *Farinac. consil.* 47. nu. 3., quia non potest dici deceptus à fide publica, sed à se ipso, & communissime semper tendendum est, quod gratia Principis subreptitiè, vel obreptitiè imperata nulla sit, nec servanda *Seraphin. decis.* 601. num. 2., quæ autem sunt in pacto, tamquam non nota concedenti sunt omnino narranda, alias omisso causati nullitatem, ut latè firmat *Ottobon. decis.* 115. *per totum*, subreptio autem ex eo resultat, quia si fuisset narratum apposita fuisset duo Juramenta, vel Princeps non concessisset, vel difficilius, quia neque Pontifex pactis privatorum solet derogare *cap. ex multiplici de Decimis*, ubi pacta non narrata servanda sunt non obstante Papæ Privilegio, quia pacta adiciunt novum vinculum, quod specialiter indiget solutione *Gregon. decis.* 529. num. 13., & 14. *Ottobon. dicta decis.* 115. num. xi., certum est enim, quod Juramentum auget promissionem, saltem intensivè, *Oldrad. Consil.* 294. num. 3., *Gail. lib. 2. Observat.* 98. num. 13., *Vers. non auget*, *Addent ad decis.* 523. num. 45. tom. 3. p. 4. recentior.

58 Quod autem secundo loco dicitur de consensu Creditorum eorumque Præsidentum, primo observandum est, quod omnes Creditores non fuerunt vocati, prout erat necesse ad reg. *Quod Omnes tangit ab omnibus debet approbari de reg. Jur. in 6.*, omnes enim Creditores tangebatur hic Salvus conductus,

pro cujusque credito, & interesse, ideoque *Stracha de Decretis* p. 6., quæ est de pactis Conventis inter Creditores, & Decretores *sub num.* 19. dicit, in dilatione concedenda oportere in Unum Creditores convenire *ad tex. in l. fin. C. qui bonis ced. pos.* per illa verba (*ut omnibus in Unum Coadunatis*) & reprobatur *consilium Parisi* 100., ex adverso allegatum.

59 Secundo, vel prætenditur, quod Præsides Creditorum concesserint Salvum conductum Jure Creditorum, vel Jure delegationis Principis.

Si Jure Creditorum excesserunt facultatem, quam à Creditoribus habebant, quæ erat solum de tuendis, & curandis bonis, ac Juribus Creditorum, nec de Jure majorem habent facultatem tales Præsides, *Salgad. labyrinth. Credit.* p. 1. cap. 73. num. 6. & *seqq.*, ubi num. 38. 39. 40., quod tales præsides constituti in concursu Creditorum habent restrictam potestatem ad solam nudam administrationem, & Custodiam bonorum, & Jurium, ubi nu. 53., quod quando agitur de aliquo Præjudicio Creditorum omnes, & singuli Creditores debent vocari, qui in casu nostro non fuerunt vocati.

60 Ideoque poterant quidem Præsides consentire pro omni suo Jure, & Interesse, non vero pro Jure, & Interesse Cæterorum, sicque poterant Juramentum remittere, quantum ad suum favorem respiciebat, non vero aliorum, *Azor. Instit. Moral.* p. 1. lib. xi. cap. 9. quest. 9. *Vers. maxime*, ubi debetum est Juramentum, etiam si remitteret major pars, quia non potest præjudicare minori parti, *Speculator in tit. de legatis §. nunc ostendendum* nu. 3., *Decian. tract. Criminal.* Vol. 2. lib. 6. cap. 11. n. 53., *Surd. Consil.* 424. n. 7. lib. 3., *Grass. de except.*, except. 32. num. 29., & *seqq.*, *Everard. topica Juris à vi Juramenti* num. 31., *Nald. Summa V. Juramentum* num. 15. *Versio Decimo*, licet, & intrat reg., quod alteri per alterum non debet Iniqua conditio inferri *l. Non debet*, ubi *Decius*, ex *l. quod nostrum ff. de reg. Jur.*

61 Idè neque Summus Pontifex. in Præjudicium Tertii remittit Juramentum, absque Justa, vel publica causa, *Sot. de Just.* & *Jure* lib. 8. quest. 2. artic. 9. in principio, & in fine, *Filiuc. tract.* 25. cap. 9. quest. 19. n. 279., *Sanchez. lib. 1. de Matr. disput.* 32. & *ad Decalog. lib. 5. cap. 23. num. 2.*, *Trulench. ad De-*